



Njila Mbili

Ficha Técnica

Título: Njila mbili
(Os dois caminhos)
(The Two Roads)

Língua: Kimwani

Primeira edição electrónica, 2010

Produzido por: JUWA (Associação Jumuliya ya Wamwani)
lidemo.net@gmail.com
C.P. 652
Nampula, Nampula
Moçambique

O utilizador pode copiar e distribuir a obra.

Kutondola njila

Wakati watanza kusafili kúka maala satijíwa, títunza kwanza upande watuka. Sambí tukwanza safali yetu na kufungula maso kunang'aniza mbele katúka. Ikiwa tifahamu kuwa njila-yi tisiyánika, tizungunuka lye tukwanza kusákula njila ngema.

Kila suku nkati ya mainsha etu uwe nomi, tiwa nsafali yaakúka kuli mainsha a milele. Tikáwe na mainsha saana mwinsho wala sakakanyiwa, patisaka kufika noko. Uwe ukwiwiwa kauka?

Kitabu ca kutolotela njila

Mwenyezimungu kwa kutipenda na kutikum-bukila katusila kitabu - Menenzi méma a mBibiliya, ewo akólota sana-sana injila ya tijúzi kifulata. Singali kwisusiwa Bibiliya, nanga tenenda mugíza.

Usemi ulipo muwalaka-mu ndi usemi mmoja nowo ulipo nkati ya Bibiliya. "Usemi wa Mwenyezimungu ndi kimwalikilo ca maulu angu na ndi nulu ya njila yangu." (Zabuli 119:105)

Njila ya kutánuka

"Njila ya kuka motoni mana, na nliyango wa kwingilila motoni mpana. Basi, wanu wengi wápita noyo njila mana-yo." (Matwaya 7:13)

"Wanu wafuláta noi njila-yi maso awo afinya, awayeliwa wala awejiwa kuwa wasika. Ziwapo njila zawona munu kulanda koloka, fala mwinshoni zimpeleka kufwa." (Usowezi 14:12)

"Nlungu wa mulumwengu-mu, shetwani, kawafinika kumaso ipate waseleliwe." (2 Wakolintiyu 4:4)

Mizigo

Wanu wenenda noi njila ya kutánuka-yi, wainshi na kulemeliwa na mizigo ya madambi, “kamana piya wakóla dambi na watanu-siwa mbele ya utukufu wa Mwenyezimungu.” (Waloma 3:23)

Tisifise dambi zetu kuwa Mwenyezimungu asiwone, konta munu anang’aniza kinani cili kalibu yake, “fala Mwenyezi-mungu awona kinu cili mmoyo.” (1 Samuweli 16:7)

Ntamana Mwenyezimungu aafisiwa kinu konta iye akwijiwa kinu cili mmoyo mwa kila munu.

Mizigo iwa kamba kinu ca kutifunga

Uwe nomi atina uwezo wa kufuta dambi anta mmoja kwa nguvu zetu wanyewe. Kila wakati upita wonse nzigo wa madambi ukwengezeka na mwinsho “dambi zaticóla malipo ake ndi kifo.” (Waloma 6:23)

Kumensa

Hukumu ya Mwenyezimungu iwa kamba kumensa. “Kwa javyo, munu kalazimishiwa kufwa mala moja basi, ikisa alamuliwe na Mwenyezimungu.” (Waeblaniya 9:27)

Mwanafunzi Yáhaya kasema tena kuhusu hukumu mbinguni: “Niona kiti kikulu cakung’anila na Bwana Insa ekalile noco. Na niwawona wanu wa kufwa, wakulu na watoto, wemile mbele ya kiti cile, cifunuliwe kitabu cengine, kitabu ca mainsha. Sambu wafwi wale walamuliwa kila mmoja kwa kitendo cake kamba vyaandikiwe nvitabu mule. Na ile sasinganiwe andikiwe zina lake nkitabu ca mainsha akefyeliwa ntanda la moto.” (Kufunula 20:11, 12, 15)

5. Ukikola dambi mmojiwapo bila kukusudiya, lebela nswamaa ka Mwenyezimungu:

“Falakini, kwa kuwa Mwenyezimungu mwaminifu na kamilifu, tikeléza dambi zaticola, iye átiswamii na átiswafi.” (1 Yáhaya 1:9)

6. Usakule kujumana na wanu wengine wakunfulata Insa Wazili-Ilahi:

“Ntamana ámulu yangu iwa javi: mupendane munu na mwenziwe kamba vyanukupendani omi.” (Yáhaya 15:12)

7. Timiza vyasaka Mwenyezimungu.

“Anipenda onse afulata vyanifunda, na Baba wangu ampenda.” (Yáhaya 14:23)

8. Usope kamana Insa Wazili-Ilahi kawa pamoja na uwe:

Iye kaamba javi: “Omi sukwasu wala sukutipuka.” (Waeblaniya 13:5)

9. Umpe Bwana Insa Wazili-Ilahi piya uwezo wako:

Siti usake mwananyewe wambe: “Kwangu omi, Bwana Insa ndi mwenye kwenendesu mainsha angu kamba vyasaka. Ila kwa javyo ndi paupata fulaha.”

Bwana Insa Wazili-Ilahi - iye basi ndi mwenye kuvusha na tena ndi mwenye kuvusha kámili. Wala aunsakula nvushi mwengine tena konta iye kawa yeka yake basi; mwenye kunkubali iye aafazaika.

na eyo mainsha etu-yo julu ya Mwanawe. Ali pamoja na Mwana, kawa nawo mainsha a milele; saali pamoja na Mwana wa Mwenyezimungu, aana mainsha a milele. Omi nankukwandikilani umwe munkubálile Mwana wa Mwenyezimungu-mwe, ipate mwijiwe kuwa muwanawo mainsha a milele.” (1Yáhaya 5:11-13)

Mainsha mapya tiinshi namunani

1. Fyoma Bibiliya:

Konta ndi kimwalikilo ca njila yetu na cakulya ca loho zetu. “Shugulikilani pakulu cakulya ca kweli ca lohô, kamba toto vyashugulikila maziwa a mamaye, ipate lohô zenu ziwe sana, muvushiwe.” (1 Pedulu 2:2) Munlebele Mwenyezimungu akusungeni na kufyoma ka Lohô Takatifu-ku.

2. Úwe na Mwenyezimungu kila suku kwa duwã.

“Musangaikile kinu cisaka kuwa coonse. Piya duwã zamutenda nlebeleni Mwenyezimungu camusakula kwa niya ya shukulani.” “Basi salama ya Mwenyezimungu sayeleliwa na mwanadamu ikutulani moyo pansu na ikutengemanisani ankili zenu, julu ya Insa Wazili-Ilahi.” (Wafilipi 4:7)

3. Sowela na wenziwo mambo a Insa Wazili-Ilahi.

“Uka ukaya, ukawambile jamã zako vinu vikulu Bwana vyakutendele uwe, na namuna vya kukutendelele huluma.” (Malku 5:19)

4. Wakati wauyeleliwa na Shetwani, nkumbukile

Bwana wako Insa Wazili-Ilahi.

“Kwa kuwa iye kapita njila ya kuyeleliwa na ya tabu, iye kawanawo uwezo wa kuwanusulu wale wenye kuyeleliwa wale.” (Waebhaniya 2 :18)

Moto

Kwa kuwa Mwenyezimungu kawanawo imani na shaliya na dambi ndi makosa nkati ya kutupa shaliya zake, ilazimu iwepo hhukumu julu ya makosa a dambi! “Wabaya na wali kunkatala Mwenyezimungu wakúka motoni.” (Zabuli 9:17)

Kwingila motoni siyo sababu ya kuwa mbaya pakulu, ila kukatala utukufu wa kuvushiwa na Insa, iye kasaka kunvusha kila mwenye madambi onse. Ndi ntamana Insa kâja mulumwengu kutwala madambi etu na kuwavusha wasike, wasile kifulata njila ya koloka. Mwenyezimungu kwa kutipenda kwake na kutowa kusáka kuwa asiwepo munu wa kwasika, ila piya wanu watubiye, ntamana katula njila ya kutuwilila afulata ka ukweli onse. Konta iye kila suku ashugulika na kwajibiwa pakulu na wanu sawanamba kuvushiwa.

Njila ya mainsha na nvushi

Kwa kuwa ofwe wanyewe atingali kulivusha julu ya madambi etu, wala kulivusha hukumu zetu za mbele suku ya kiyama, Mwenyezimungu kampeleka nvushi wa kuja kutivusha.

“Ndi novyo kamba Mwenyezimungu vyolote kupenda kwake julu ya wanu mulumwengu: iye kawapa Mwanawe mmoja noyo tu basi, ipate piya wenye kunkubali Mwanawe wasifwe fala wawe na mainsha a milele.” (Yáhaya 3:16)

Bwana Insa kwa kuwa iye ndi Mwenyezimungu wawenye, kalitadula kuwa mwanadamu ipate afwe pansalaba julu ya kuwavusha wanu ulumwengu piya, kapeleka mainsha ake bila kuwa na makosa, akitawanya damu yake, akisukula hukumu za madambi etu.

Iye kakubali kutwaliwa na wanu wabaya, wakinsunila mata na wakinfunga mpaka mwili wake piya ukijala vijalã vya kusulula damu. Ikisa wakinvaza nkiswa lembe la miwa na mwinsho maulu na makono

wakingomezela pansalaba, maala pawonile kulwaza na paafikile kalibu ya kufwa. “Iye mwaneyewe kalitika dambi zetu mmwili mwake julu ya nsalaba ule.” (1 Pedulu 2:24) Iye kafwa sababu yako, uwe nomi!

Kuzilibuka kwake

Ikisa muda wa suku natu nkabuli, Insa akizilibuka ipate uwe pamoja nomi tiwe naye munu nkomu wa kutivusha, mwenye uwezo Binguni na duniya.

Sambi iye kekala upande wa nkono nlilo wa Mwenyezimungu Binguni. “Basi kawanawo uwezo wa kuwavusha nfululu piya wanu woka upande wa Mwenyezimungu julu yake. Iye ainshi milele kuwalebela ka Mwenyezimungu.” (Waebaniya 7:25)

Binguni

Piya wanu tísaka suku ndi suku tuke Binguni. Bwana Insa kasema javi: “Nnyumba mwa Baba awapo mekazi mengi awenye, na omi nikúka kukutafitilani mambulo. Inawa sivyakweli, singali kukwambilani javi. Omi bandi ya kuka kukutafitilani mambulo, niludi nikuja kukutwalani ipate mukekale panuka kwikala.” (Yáhaya 14:2, 3)

Epo Mwenyezimungu ndi pooka kukufutani masozi na aciwepo tena kifo wala kililo wala uzuni wala ulwele. Eko auwepo tena usiku konta Mwenyezimungu mwalika.” (Kufunula 21:4; 22:5) Ndi maala bola patakatifu. “Epo maala-po acingila kinu ca halamu, wala wanu wa kushiliki wala wanu walongo, ila wandikiwe nkitabu la mainsha a Insa Wazili-Ilahi ndi wajuzi kwingila.” (Kufunula 21:27)

Kwa javyo, iwapo njila mmoji basi yakúka Binguni. Bwana Insa kaamba javi: “Omi ndi njila ya ka Mwenyezimungu, ndi ukweli wa Mwenyezimungu na ndi níwapa wanu mainsha kamili. Njila yuka ka

Baba ndi nomi tu basi, aipo namuna nyengine tena yakúka ka Baba.” (Yáhaya 14:6) “Insa tu basi ndi ali na uwezo wa kukuvusha; na ulumwengu nzima-u aapo tena wakukidili kutivusha. Mwenyezimungu kankabizi iye tu basi kuja kutivusha.” (Vitendo 4:12)

Njila ya binguni tikwingila namunani?

1. “Tubiyani, asani vitendo vya kunyata na mukubali Injili.” (Maluku 1:15) Kutubiya ndi kwasa vitendo vya madambi, kuntukuza Mwenyezimungu.

2. Uje ka Bwana Insa Wazili-Ilahi kamba vyauli na nzigo wako wa madambi unlebele akuswamii. Bwana Insa kasema kaamba: “Piya wanu wanigabizi Baba wakuja kunifulata, na aja kwangu onse sinkatala asulani.” (Yáhaya 6:37)

“Njoooni kwangu omi umwe piya wenye kusokela na wenye kukunisiwa mashaka, omi nukupani pumuzi!” (Matwaya 11:28)

3. Ntumaini Bwana Insa basi upate kuvuka, konta “damu ya Insa itawanyike pansalaba ítiswafi na ítifuta dambi zetu piya.” (1Yáhaya 1:7)

4. Insa Wazili-Ilahi ákupa mainsha mapya, mainsha a milele. Akwamba: “Asikiliza onse habali zangu na kunkubali iye anipeleke omi, kawanawo mainsha kamili a milele. Iye aja kuhukumiwa, katupulanisa njila ya kifo, kengila futi njila ya mainsha a milele.” (Yáhaya 5:24)

“Basi munu akilungana na Insa Wazili-Ilahi ákuwa kiyumbe múpya, vinu vya mida vípita, vilawilila vipya.” (2 Wakolintiyu 5:17)

5. “Konta ya kuntumaini Mwenyezimungu, iye katitula kulungana naye. Ntamana tiwanawo salama naye julu ya Bwana wetu, Insa Wazili-Ilahi.” (Waloma 5:1)

“Ushahidi wawenye ndi-wu: Mwenyezimungu katipa mainsha a milele